



RENKLENDİRİLMİŞ FİGÜR. KİTAP SAYFASI. 27X17 CM.

Stok Numarası: 417086



CALENDER RELIGIEUX
T. V. C.

On y vno autre ordre de religieux, aussi different du pre-
cedent, que le vice est different de la vertu, car les
vns passent leur vie à la lascivité, & ceux-cy nommez
Calendriers, font profession de perpetuelle chasteté, &
grande abstinence & fainteté de vie, au moins en appa-
rence, si elle n'est en effet. Ils ont pour leur retraite, de certaines pe-
tites Eglises, qu'ils appellent Tachie, sur les portes de laquelle font mis
des écriteaux, contenant ces mots, *Cada nomas dilerim cu / cunye, al*
ehache cinv: c'est à dire en nostre langue, quiconque vndra cunct
en leur religion, doit faire les memes oeuvres qu'ils font, & garder
comme eux virginité & abstinence. Ils portent vne forte de hairie faite
de laine & de crin de cheval, ils ont les chapeaux ras, & en la teste vne
forte de chapeau de feutre, à la façon des prestres Grecs, auour del-
quels ils mettent vne forte de frange: de la longueur de la main, qui est
fort dure, estans de crin de cheval: ils portent aux oreilles des anneaux
de fer, & pareillement au col & aux bras, ils ont aussi de coutume de
se percer la peau, au dessous de la nature, & y mette vn anneau de fer
ou d'argent, ain que de force ou de bon gré, ils puissent garder la cha-
steté selon leur regle. Ils n'ont aucune sorte de chaussures ny sandales,
car ils vont tous pieds nus en quelque temps que ce soit, ils ont aussi
certains liures, où ils lisent & chantent en langue vulgaire plusieurs
compositions faites par vn nommé Nerzimi, le premier de leur ordre,
lequel pour auoir dit quelque chose contre la loy de Mahomet, fut par
l'ordonnance de la Justice, estoché tout vif en Asiasie, & pour ce ils
le tiennent pour saint & martyr, & estiment entierement les regles
de son ordre, & viuent à similitude. Quelques-vns ont escrit qu'ils
auoient veu quelques liures de ce Nerzima, par lesquels il reconnoit
en beaucoup de choses approuuer la religion Chrestienne, parleur dis-
cours avec grande reuerence.



CALENDER RELIGIEVX
T V R C.



O I C Y vn autre ordre de religieux, aussi different du precedent, que le vice est dissemblable de la vertu, car les vns passent leur vie à la lubricité, & ceux-cy nommez Calenders, font profession de perpetuelle chasteté, & grande abstinence & sainteté de vie, au moins en apparence, si elle ne l'est en effect. Ils ont pour leur retraite, de certaines petites Eglises, qu'ils appellent Techie, sur les portes desquelles sont mis des escreteaux, contehans ces mots, *Cacda normae dilectissimi cuiusque, al chachec ciur* : c'est à dire en nostre langue, quiconque voudra entrer en leur religion, doit faire les mesmes oeuvres qu'ils font, & garder comme eux virginité & abstinence. Ils portent vne sorte de haire faite de laine & de crin de cheual, ils ont les cheveux raz, & en la teste vne sorte de chapeau de feultre, à la façon des prestres Grecs, autour desquels ils mettent vne sorte de frange de la longueur de la main, qui est fort dure, estans de crin de cheual : ils portent aux oreilles des anneaux de fer, & pareillement au col & aux bras, ils ont aussi de coustume de se percer la peau, au dessous de la nature, & y mette vn anneau de fer ou d'argent, afin que de force ou de bon gré, ils puissent garder la chasteté selon leur regle. Ils n'ont aucune sorte de chaussures ny sandales, car ils vont tous pieds nus en quelque temps que ce soit, ils ont aussi certains liures, où ils lisent & chantent en langue vulgaire plusieurs compositions faites par vn nommé Nerzimi, le premier de leur ordre, lequel pour auoir dit quelque chose contre la loy de Mahomet, fut par l'ordonnance de la Iustice, escorché tout vif en Azimie, & pour ce ils le tiennent pour saint & martyr, & ensuiuent entierement les regles de son ordre, & vivent d'aumosnes : Quelques vns ont escrit qu'ils auoient veu quelques liures de ce Nerzimi, par lesquels il tesmoigne en beaucoup de choses approuuer la religion Chrestienne, parlant d'elle avec grande reuerence.

